



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 148, Datë 28.06.2018

MBI

MBI KËRKESËN E OSHEE SH.A. PËR KONTESTIMIN E VENDIMIT NR. 110, DATË, 14.05.2018, TË BORDIT TË ERE, LIDHUR ME KORRIGJIMIN E FATURAVE PËR SHËRBIMIN E BALANCIMIT SIPAS PARASHIKIMEVE TË AKTEVE LIGJORE DHE NËN LIGJORE NË FUQI DHE PËRLLOGARITJEVE NGA OST SH.A, TË RAKORDUARA DHE TË PRANUARA NGA PALËT PËRGJEGJËSE PËR PERIUDHËN 1 KORRIK 2016-31 DHJETOR 2017".

Në mbështetje të nenit 16 të ligjit nr. 43/2015 “Për Sektorin e Energjisë Elektrike” i ndryshuar, nenit 16 të “Rregullave të Organizimit, Funkcionimit dhe Procedurave të ERE-s”, miratuar me Vendimin e Bordit të ERE-s nr. 96, datë 17.06.2016, Bordi i ERE, në mbledhjen e tij të datës 28.06.2018 mbasi shqyrtoi relacionin e Drejtorive Teknike, mbi kërkesën e OSHEE Sh.a, për rishikimin e Vendimit të Bordit të ERE nr. 110 datë, 14.05.2018, “Mbi zgjidhjen e mosmarrëveshjes ndërmjet KESH sh.a dhe OST sh.a, lidhur me korrigjimet e faturave për shërbimin e balancimit sipas parashikimeve të akteve ligjore dhe nënligjore në fuqi dhe përlllogaritjeve nga OST sh.a të rakorduara dhe të pranuar nga palët përgjegjëse për periudhën 1 korrik 2016 – 31 dhjetor 2017,

Konstatoi se:

Shoqëria OSHEE sh.a. më shkresën e saj nr. 9804, Prot, Datë 28.05.2018, protokolluar në ERE me nr. 404/1 prot datë **30.05.2018**, ka përcjellë në ERE kontestimin e Vendimit të Bordit të ERE-s, nr.110 date 14.04.2018.

Në këtë korrespondencë OSHEE sh.a bën me dije se :

Është njohur me Vendimin e Bordit të Komisionerëve të ERE Nr. 110, datë 14.05.2018 "Mbi zgjidhjen e mosmarrëveshjes ndërmjet KESH Sh.a dhe OST Sh.a, lidhur me korrigjimin e faturave për shërbimin e balancimit sipas parashikimeve të akteve ligjore dhe nën ligjore në fuqi dhe përlllogaritjeve nga OST Sh.a, të rakorduara dhe të pranuar nga palët përgjegjëse për periudhën 1 Korrik 2016-31 Dhjetor 2017".

Shoqëria OSHEE Sh.a shpreh mos dakortësinë e saj në zbatimin e këtij vendimi pasi zbatimi i tij do të shkaktonte efekte të larta financiare për shoqërinë.

OSHEE Sh.a shprehet se “ ashtu siç përmendet edhe në vendimin e sipërcituar faturat e disbalancave për periudhën 1 Korrik 2016-31 Dhjetor 2017 janë përlllogatitur në mënyrë korrekte nga shoqëria OST Sh.a, bazuar në mekanizmin e llogaritjes së disbalancave sipas "Rregullave të përkohëshme të tregut", miratuar me Vendimin nr .139/2016 të ERE.

OSHEE Sh.a, në vijim të shkresës nr. 9804, Prot, Datë 28.05.2018, protokolluar në ERE me nr. 404/1 prot datë **30.05.2018**, ka paraqitur në ERE gjithashtu, shkresën me nr.9804/1 prot, datë 29.05.2018, e protokolluar me tonën nr.404/3, datë 13.06.2018.

Në këtë korrespondencë, OSHEE Sh.a ka depozituar “Shtesë ankimi administrativ mbi Vendimin Nr 110, date 14.05.2018 " *"Mbi zgjidhjen e mosmarrëveshjes ndërmjet KESH Sh.a dhe OST Sh.a, lidhur me korigjimin e faturave për shërbimin e balancimit sipas parashikimeve të akteve ligjore dhe nën ligjore në fuqi dhe përlllogaritjeve nga OST Sh.a, të rakorduara dhe të pranuar nga palët përgjegjëse për periudhën 1 Korrik 2016-31 Dhjetor 2017".*

Në këtë komunikim OSHEE Sh.a, bën me dije se:

- më datë 23.05.2018, ka marrë dijëni mbi vendimin e ERE nr.110 date 14.05.2018.

- OSHEE Sh.a gjithashtu bën me dije se këtë ankim e ka paraqitur në kuadër të parashikimeve të nenit 16 të Rregullave të Procedurave të ERE miratuar me Vendimin e Bordit të ERE-s, Nr. 96, datë 17.06.2016 .

- OSHEE Sh.a, nga data 1 janar 2018 e në vijim ka pranuar dhe zbatuar Rregullat e përkohëshme për mekanizmin balancues të energjisë, miratuar me Vendimin nr.193 date 24.11.2017 të ERE

- OSHEE Sh.a në vijim edhe të shkresës nr.9804/1 prot ,datë 30.05.2018, depozituar në ERE me datë 13.06.2018, nuk është dakort me këtë vendim të ERE duke parashtruar në mënyrë të përmbledhur se:

- *Vendimi referon një periudhë kohore 1 korrik 2016-31 dhjetor 2017, periudhë për të cilën ka patur rregullim mes palëve. (-ky rregullim provohet nga faturat tatimore të pranuar dhe konfirmuara.....)*
 - *Ky vendim sjell një impakt financiar për OSHEE Sh.a*
 - *Pasqyrat financiare të OSHEE sh.a për vitet 2016 dhe 2017 janë mbyllur dhe janë depozituar në institucionet përkatëse.*
 - *Faturat e rakorduara dhe të pranuar nga palët OST Sh.a dhe OSHEE Sh.a janë reflektuar në mbylljen e bilancit financiar të shoqërisë OSHEE Sh.a për pjesën e dytë të vitit 2016 dhe 2017.*
 - *Ky vendim i jep fuqi prapavepruese aktit dhe referuar teorisë së të drejtës administrative dhe në veçanti KPA, neni 105, fuqi prapavepruese e aktit është një përjashtim nga rregulli i përgjithshëm dhe aktet administrative mund të kenë fuqi prapavepruese konkretisht :*
- c) *organi kompetent mund t'i japë fuqi prapavepruese aktit kur lejohet nga ligji dhe është në favor të palëve të interesuara dhe nuk dëmton të drejtat e një pale të tretë.*

Lidhur me ankimin e OSHEE Sh.a sipas shkresave 9804, datë 28.05.2018 dhe 9804/1, datë 30.05.2018 (depozituar në ERE, në datë 13.06.2018) konstatohet se:

- Shoqëria OSHEE Sh.a. ka marrë dijëni për vendimin nr. 110, datë 14.05.2018, të Bordit të ERE, nëpërmjet shkresës nr. 404 prot, datë 22.05.2018 (Depozituar në OSHEE Sh.a, në datë 23.05.2018, konfirmuar nga OSHEE Sh.a në shkresën nr.9804/1, datë 30.05.2018),
- Shoqëria OSHEE Sh.a me shkresën e saj nr.9804, datë 28.05.2018 ka përcjellë në ERE kontestimin e vendimit nr. 110, datë 14.05.2018,
- Pika 5 e nenit 16, të Ligjit nr. 43/2015 “Për sektorin e energjisë elektrike”, ndryshuar si dhe nenit 16 të “Rregullores për organizimin, funksionimin dhe procedurat e ERE-s,” miratuar me Vendimin e Bordit të ERE-s, nr. 96, datë 17.06.2016”, parashikon se: “Çdo palë e përfshirë në një procedurë mund t’i kërkojë ERE-s, brenda 7 ditëve kalendarike nga data e marrjes së vendimit lidhur me atë procedurë, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabimet materiale të konstatuara.”
- Në lidhje me afatet e depozitimit të kërkesës nr.9804, datë 28.05.2018 , konstatohet se është respektuar afati prej 7 ditësh kalendarike duke qenë se subjekti ka marrë dijëni me datë 24.05.2018 dhe ka paraqitur ankesën më datë 30.05.2018.

OSHEE Sh.a, në ankimin e saj, pretendon se parashtron si prove të re, efektet e larta financiare, ndaj OSHEE Sh.a. Këtë pohim OSHEE Sh.a e ka parashtruar në datën 24.04.2018, ku u zhvillua takimi me prezencën e përfaqësuesve të ERE, KESH Sh.a, OST Sh.a dhe OSHEE Sh.a. Gjatë takimit nga ana e OSHEE Sh.a ndër të tjera u shpreh se do të respektojë mekanizmin balancues që ka qenë në atë kohë siç po respekton të tanishmin dhe se korrigjimet kanë efekt financiar.

Sa i takon impaktin financiar tek OSHEE Sh.a, të kësaj vendimmarrje, konstatohet se ky pretendim është pjesë e konstatimeve edhe në vendimin nr.110, datë 14.05.2018, ku në faqen 4- 5 të këtij vendimi thuhet:

Faturat e lëshuara nga OST Sh.a për disbalancat janë firmosur dhe pranuar nga të dyja palët Problematika e disbalancave shtrihet në periudhën 1 korrik 2016- dhjetor 2017 pikërisht në periudhën kur OSHEE sha është bërë palë përgjegjëse për balancim në bazë të ligjit.

Problematika e shkaktuar vjen nga Prodhuesit me Përparësi të Energjisë të lidhur në rrjetin e transmetimit dhe atë të shpërndarjes të cilat nuk janë subjekt i disbalancave por të gjithë energjinë e prodhuar janë të detyruar ta shesin tek OSHEE Sh.a dhe tashmë janë zhveshur nga llogaritjet për të cilat OSHEE Sh.a nuk ka të dhëna në frekuencat kohore që përkojnë me nominimet dhe komponentet që nevojiten për zbatimin e mekanizmit llogaritës së disbalancave, ndërkohë kjo disbalancë pozitive është e pasqyruar vetëm në fatura dhe nuk është energji e prodhuar apo e lëvruar në rrjet.

Propozimi për ndryshimin e mekanizmit llogarites së disbalancave është paraqitur nga OST sha në ERE në tetor 2016, por duke qënëse komponente që nevojiten për zbatimin e këtij mekanizmi ish-in dhe PPE (të cilat Ligji 138/2013, “Për Burimet e energjisë së rinovueshme” si dhe më pas Ligji nr 7/2017” Për nxitjen e përdorimit të energjisë nga burimet e rinovueshme”, neni 22, pika 5, i përjashton nga detyrimi për kostot e disbalancave të shkaktuara deri në 31 dhjetor 2022.) si dhe HEC Ashta i cili trajtohet me marrëveshje të vecante PPA e cila trajton përgjegjësinë për balancim në mënyrë specifike si dhe Ligji për Energjitë e rinovueshme; rregullat e

tregut dhe të balancimit në atë kohë ishin në proces amendimi, si dhe jo të gjitha palët shprehën dakortësinë për këtë propozim të OST sha, u vendos që kjo e fundit të vijonte trajtimin e disbalancave sipas akteve ligjore dhe nënligjore në fuqi në atë kohë deri me amendimin e këtyre akteve.

Impakti financiar që do të vijë nga korrigjimi i faturave do të reflektohet tek OSHEE

Korrigjimi nuk do të ketë impakt në bilancin energjistik i cili bazohet në matje, ndërsa disbalancat nuk janë fluks energjie pasi është vetëm programim. Dhe tek OSHEE do të reflektohet vetëm si vlerë dhe afektohet vetëm bilanci financiar.

Korrigjimi i faturave do të bëhet muaj për muaj për te dy kompanitë

Llogaritja e disbalancave duhet bërë me programimin dhe matjen e KESH Sh.a që në fillim

Mekanizmi i llogaritjes ka qenë dhe është i rregullt por ndryshon veteëm mënyra e programit të përdorur

Sa më sipër kërkesa nr.9804, datë 28.05.2018 e OSHEE Sh.a nuk përmban prova të reja siç kërkuar në nenin 16 të Ligjit nr 43/2015 “Për sektorin e energjisë elektrike”.

Lidhur me korrespondencën nr.9804/1, datë 30.05.2018, protokolluar në ERE më datë 13.06.2018, konstatohet se ky komunikim është paraqitur përtej afatit 7 ditor të përcaktuar në ligjin e sipërcituar.

Lidhur me pretendimet e parashtrura nga OSHEE Sh.a në këtë komunikim mbi prapaveprueshmërinë e Vendimit nr.110, datë 14.05.2018, vërehet se qartësisht edhe në Vendimin nr.110/2018 të ERE, në faqen 5 të tij sqarohet se:

Rregullat e Përkohëshme të Tregut, përcaktojnë në Kapitullin XI.2.3:

Në rast mosmarrëveshje, pjesëmarrësi është i detyruar të paguajë shumën korresponduese në përputhje me udhëzimet për nxjerrjen e faturave të nxjerrë nga OST-ja; mosmarrëveshja nuk vonon ekzekutimin e detyrimeve. Pas zgjidhjes së mosmarrëveshjes, do të bëhet korrigjimi i faturës, po të jetë e nevojshme.

Për gjithë sa më sipër cituar, Bordi i ERE-s duke konstatuar se ankimi i OSHEE Sh.a. nr.9804 date 28.05.2018, nuk përmban prova të reja dhe korrespondenca vijuese nr.9804/1 prot, datë 30.05 2018 (depozituar me datë 13.06.2018) në ERE, është bërë jashtë afateve ligjore, e si të tillë nuk plotëson mund të çojë Bordin në marrjen e një vendimi të ndryshëm nga ai i ankimuar,

Për gjithë sa më sipër, Bordi i ERE,

Vendosi:

1. Të rrëzojë kërkesën e OSHEE sh.a. për rishikimin e Vendimit të Bordit të ERE nr. 110 datë, 14.05.2018, " Mbi zgjidhjen e mosmarrëveshjes ndërmjet KESH Sh.a dhe OST Sh.a, lidhur me korrigjimin e faturave për shërbimin e balancimit sipas parashikimeve të akteve ligjore dhe nën ligjore në fuqi dhe përllogaritjeve nga OST Sh.a, të rakorduara dhe të pranuar nga palët përgjegjëse për periudhën 1 Korrik 2016-31 Dhjetor 2017", mbështetur në Pikën 5 të nenit 16 të ligjit nr. 43/2015 “Për sektorin e energjisë

elektrike”ndryshuar si dhe Nenin 16 të “Rregullores për organizimin, funksionimin dhe procedurat e ERE-s, miratuar me vendimin e Bordit të ERE nr. 96, datë 17.06.2016.

2. Drejtoria Juridike dhe e Mbrojtjes së Konsumatorit, të njoftojë kërkuesin për Vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.